

MEUTI WIÉ YU XEWIME

Mana muwe kí tyuteriwati Honorable Congreso de Estado de Nayarit, memanuka 'uitiarie xeitewiyari heimana tamamata hairieka, 'iki wa utia comisión de gobierno , 'iki tsie mekaneniereti mi ka'uxe tsie 'axitikuru matiari y hutarieka de la Constitución Política de los Estados Unidos Mexicanos; 'atahuta fracción naurieka Constitución Política del Estado Libre y Soberano Nayarit tsie mieme; xewi, huta, haika meta 'ataxewi iki tsie mieme Convenio 169 de la Organización Internacional del Trabajo sobre los Pueblos indígenas y Tribales en Países Independientes ; tamamata heimana 'atahaika y xeitewiyari heimana tamamata huta de la Declaración de las Naciones Unidas heitserie memexeiya matiari teiteri kiekatari muyukuxata; XXIII de la Declaración Americana heitserie memexeiya matiari teiteri kiekatari huta, 'aixiwi 'iki tsie mika 'uxe xapa Ley de Derechos y Cultura Indígena; xeitewiyari heimana tamamata 'auxiwi 'iki tsie xapa maye'uxe Ley Orgánica del Poder Legislativo del Estado de Nayarit; xeitewiyari heimana 'ataxewi meta nauka tewiyari heimana tamamata 'atahuta 'ki tsie xapa mika'uxe Reglamento para el Gobierno Interior del Congreso:



MEPITE'U 'INIWA

'Itsiikate me manu'utika kiekaritsie memitama teiteri matiari kiekatari, tatiwani comisariado ejidal meta comunal, 'Itsiikate parewuwamete ayuntamiento memayetei hakewa memiteetika teiteri ya xeikia ta 'iwama 'eteewa memayeixia, mepa 'inieriwa mana xemika neniereniki 'iwaureka 'uximayatsika miyutá maani, wa hetsie timieme matiari kiekatari teiteri ya xeikia ta 'iwama 'eteewa memayeixia, memiteetika 'etsitaru Nayarit kemuyautiká, memite maarekaki ya xeikia me miwaku'eiyani kememite yukihawe niuki miranuti neika wa hetsie timieme, 'iki tsie timieme tsutiarika meta xanetsika tsie miraku wietiká:

- Pi tsutiari 'utiarika xapa mimitanu niitiani mipai mitinakeki mana meutiwiere xapa mitika tiu yuteriwati Constitucion Política del Estado Libre y Soberano de Nayarit, 'itsikameki memiyuti 'iwiriwa tsie rá kuwietika kiekatari matiari memita maarixi tiwareu hetsie, miki piyetúa tá hetsie nunuwame Aristeo Preciado Mayorga muwapaiti hekaniereti memite'u teriwa Trigesima Tercera Legislatura del H. Congreso del Estado de Nayarit.
- Pi tsutiari 'utiarika xapa 'iki tsie 'utaneti xapa mitika tiu yuteriwati Ley de Educación Superior del Estado de Nayarit tatsiari mana mekaneniereti ta heima nunuwamete 'aixia memiteku yuriwani, miki ya 'ané pinetia Dr. Miguel Angel Navarro Quintero, tatiwani mi kerie kiekari mikumanetika 'etsitaru Nayarit tsie memitama.
- Pi tsutiari 'utiarika xapa miyutá hekwariya mipai mitinakeki, meta mireu ti niitarieni xapa mitika tiu yuteriwati Ley Electoral del Estado de Nayarit 'itsikameki memi yu ti 'iwiriwa tsie rá kuwietika kiekatari matiari memita maarixi tiwareu hetsie , miki pi yetua tá hetsie nunuwame Aristeo Preciado Mayorga muwapaiti hekaniereti memite'u teriwa Trigesima Tercera Legislatura del H. Congreso del Estado de Nayarit.
- Pi tsutiari 'utiarika xapa miyutá hekwariya mipai mitinakeki, xapa mitika tiu yuteriwati Constitucion Política del Estado Libre y Soberano de Nayarit, ya xeikia xapa mitika Ley Electoral del Estado xanetsika tsie timieme teiteri matiari memita maarixi meta ta 'iwama memaye kika, kiekari mitama Nayarit tsie kemuyautika, miki piyetúa tá hetsie nunuwame Maria Belen Muñoz Barajas.
- Pi tsutiari 'utiarika xapa miyu tá hekwariya mipai mitinakeki, meta mireu ti niitarieni miranuti neika xapa mitika tiu yuteriwati Ley Electoral del Estado de Nayarit, kiekatari matiari memita maarixi tiwareu hetsie mana me mikaniereniki yu 'itsiikate me miwaranuka 'uitiwaniki , miki piyetúa tá hetsie nunuwame Natalia Carrillo Reza.
- Pi tsutiari 'utiarika xapa miyutá hekwariya mipai mitinakeki, xapa mitika tiu yuteriwati Ley Municipal para el Estado de Nayarit, kiekari ké miyautika Nayarit tsie kiekatari matiari memi tá maarixi tiwareu hetsie yu hepai teiteri me miwaranuka 'uitiwaniki wa hetsie mieme memite 'uximayakaki 'itsiikate me mayeyaxike tsie Ayuntamiento memite'u teriwa miki piyetúa tá hetsie nunuwame Natalia Carrillo Reza.
- Xapa mitika xanetsika miyetuiya mikahanu 'enierie, kememite'u hiwiyarie mirakuwietika 'iki tsie xapa ti yuteriwati Proteccion de los Derechos Político Electorales, mana mika'uxe TEE-JDCN-04/2019, muwapaiti meyeka Tribunal Estatal Electoral de Nayarit.

Miki tsutiarika mana pekaxeyarieni naimime pagina oficial del Honorable Congreso del Estado de Nayarit: <https://procesolegislativo.congresonayarit.gob.mx/iniciativas/>

'Iki tá xanetsika 'ena pekaxeyarieni pagina oficial del Tribunal Estatal Electoral de Nayarit: <http://trien.mx/sentencias/>

KÉ MIREUKU TSUTIARIE

XEWIME. 'Iki tsie timieme kemiti nakistiani. 'Iwaureka miyu tá maani, mekateku namiyarieti, memite mariekaki, 'aixia anekia, me 'iye weiyati yeiyari tsie ra kuwietika, tsi miwa heitserie matiari kiekatari teiteri meta ta 'iwama 'eteewa memayeixia, mipai mireuku 'uxe xapa tsie tá wiwieri Constitución Política de los Estados Unidos Mexicanos. Miyu tá maani 'iki 'iwaureka piranuku wima niuki, matiari kiekatari teiteri me mukutetika me wa'enietí ke memiteyu kihawe, ké ane 'uximayatsika me meuyehiwa ké 'aneti niuki miranuti neika, ya xeikia ké m'ane 'iki tsutiarika hitiapaítí mi ka'uxe, tatsiari miki memixatsiwa mekikanerutsixi, wakirixi, Neuxite meta Wixaritari mipai ti yunaki'erie me mitewaraye 'atiiriwani mana me mikaniereniki ya xeikia me mikatekunamiyarieka ké 'anekia memeyaxiku tsi miki mi waheitserie.

HUTARIEKA. Memite taxatiarieni. 'Iki tsie etapa me miteyuti xatiani kepai 'anekia mana mepikaniereni, tita miti tá 'iwauriti meta kemaye paime etapa miki 'iwaureka tsie timieme.

'Iki tsie mekaneniereti niuki manukuhuriya 'iki tsie timieme matiari etapa Kepai meri mitiyini meta niuki miyu xewiriya katika tsutiariwewakaku, 'uximayatsika peyutá maani 'iki tsie timieme etapa memite taxatiarieni, 'ena pika 'uxe tuukari ya xeikia kiekaritsie hakewa mireyianeni¹:

	Kiekari	Te'iteri mat iari kiekatari	Municipio me meyukuxe irieni	Mem ite taxat iarieni
1	Jesus Maria	Na'ayeri -neuxite	Del Nayar	3 de agosto 2023
2	Santa Cruz	Meshikan y Na'ayeri	Acaponeta	5 de agosto 2023
3	Presidio de los Reyes	Na'ayeri	Ruiz	6 de agosto 2023
4	Lindavista	Na'ayeri	Del Nayar	7 de agosto 2023
5	Potrero de la Palmita	Wwarika	Del Nayar	8 de agosto 2023
6	Guadalupe Ocotan	Wwarika	La Yesca	9 de agosto 2023
7	Zoquiapan	Wwarika	Del Nayar	11 de agosto 2023
8	Recinto de la Feria	Na'ayeri Wwarika	Tepic	13 de agosto 2023
9	Cabezera municipal de Huajicori	O'dam	Huajicori	14 de agosto 2023

HAIKIEKA. Me miyu kixeirieni mi tá wenarienitsie 'iwaureka. kepaimexia tuukari me mitipiini 'iki 'iwaureka mitá wenarieni mipai me pitiyuani kemi'ane teiteri memiti 'iwawiyarieni 'itsiikame mi hiritiari matia meyu'enietí, me 'iku maitiweti kepai mi wanake, kememite'i hi tuukari, yatini keti 'ané memitaye xeiya me kawananaimati, tuukari mepi pitarieni miki 'iwaureka ke 'aneti mixatsiwa mitawenarieni 'iki tsie ti mieme tsutiarika meta xapa mitika xanetsika miyetuiya mikahanu 'enierie, kememite'u hiwiyarie, mikitari me tetamarieyu ke memaitikani xika tinakimiki ya tini ké memite 'ikumamate miki tsie timieme 'iwaureka. Me miye maiximenitsié karayukema mana meuye hakeni 'itsikame mi hiritiari 'iwaureka, xeikia xika meha 'iwawiyariwani 'iki tsie timieme 'iwaureka.

'NAURIEKA. Memiyi kixeirieni miyu tá maani tsie 'iwaureka. kememiteyu tuukaritiani kepauka 'iwaureka memetá maani ya xeikia hakewa kiekaritsie mireyianeni, mana 'itsikame mi hiritiari tatsiari Congreso del Estado de Nayarit memite 'uteriwa naime piranuku wima ke memite ku 'eriwa , kepai 'ane 'uximayatsika memeyehiwa niuki kememite xewiriya miki tsie timieme. Kepauka memiyi kuxexeriwani meri mepitetá xatiarieni , 'aimieme memite tá 'uximayataki mexa piku 'uitiarieni mana kemi 'ane memika niereni mepiita wená miki tsie mititá 'iwauriti . Mana xapa panuyuku hurieni mikitsie mepiteka 'utiani niuki ke memite 'inini . Yaxeikia mana ke mitiyianeni naime me pitanaye'ike miki 'ikiya heuyeweti kanayeimiki mipai miraniwaniki kename ya tiu yi. Ya xeikia tsiere kepauka memiyi kuxexeriwani tsie memiwati hiawe hipame me miyeweyani niuki ke memite'i xewiriya miki tsie timieme.

'AUXIWI. Me miyeweyani. Memite'uteriwa Congreso del Estado de Nayarit, mipai pitwarahiaweni kiekatari memiti 'iwawiyarie ke 'aneti manayeneni 'uximayatsika 'iwaureka tsie timieme.

'ATAXEWI. Teparewuwamete. Mete'u teriwati Instituto matiari kiekatari memi hiritiari teiteri memiku teetiká 'etsitaru Nayarit, mana mepekaneniereni 'uximayatsika meyuta maani tsie meteparewieti.

'ATAHUTA. 'Iwaureka 'iwiyamete. Memite 'uteriwa Instituto Nacional de Pueblos Indígenas (INPI) mana me pikaneniereni 'iki tsie kemiyé yiximeni 'iwaureka, memite 'iwiyani 'iki tsie Ley del Instituto Nacional teiteri kiekatari wa hetsiememe mutakerie, meta kemireuku wiwié maye tirikareniki.

'ATAHAIKA. Memite ta 'iwiyaya miti naakeki. Teiteri wa hetsie nunuwamete Comision Estatal de los Derechos Humanos para el estado de Nayarit, miki me mi hiritiari mipai mepi teiweiyani, mete 'iwiyati metewará ye'atiiriwati matiari kiekatari meta ta 'iwama 'etewa me mayeixia me mikutetika, tsi mipai mitiyu naki'erie memite mariekaki wairiyarika meka pitarieti, mekate kunamiyarieti, ya xeikia 'aixia metaka yuriwati xika yiki reuti yixiani mipai mi katiyinikepauka 'iwaureka memitá maani tsie.

'ATANAUKA. Memite ta 'iwiyaya 'aixia mireuti yixianiki

- Secretaría de Educación;
- Servicios de Educación del Estado de Nayarit, e
- Instituto Estatal Electoral de Nayarit.

Nenieremete tá wahetsie timieme. Mepá 'inieriwa teparewuwamete 'aixia memiteyu yukuwiya ya xiekia hipati

ke'ane memiteu temawie, me petaneniereni miya mireyianenitsie kemireuyuku tuukaritia miki 'iwaureka memetá maani tsie.

TAMAMATA. Niuki miyetuiyani. 'Itsiikate, tatiwani, comisariado ejidal meta comunal, me manu'utika kiekaritsie memitama teiteri matiari kiekatari ya xeikia ta 'iwama 'eteewa memayeixia, mi ku'utika instituciones memite'u teriwa ya xeikia teparewuwamete 'aixia memiteu yukuwiya xika mipai me taa 'eriwani mana mepeuye niuni ké memite ku'eriwa xapa mepitá 'utiani, miki piyetuiyani muwa memite 'uteriwa tsie oficina de la Secretaría General del Congreso, kiitá mematei ta hetsie nunuwamete Poder Legislativo, mana pire'ane avenida Mexico número 38 norte, código postal 63000, hixiapa, Tepic Nayarit.

Ya xeikia kaniyiwani xika 'iyetuaní henaye 'ikeme meini'ani correo electrónico microsito: https://congresonayarit.gob.mx/consulta_pueblos_comunidades_indigenas/ 'iki tsie pitiwauni internet Congreso del Estado mana piyiwe meyuca 'utiani niuki teuteri kememite yukihawe, kepai 'ané 'uximayatsika memeyehiwa.

TAMAMATA XEWI. Tita memi tehanu yetimaya 'iki tsie timieme. Tita 'ena 'inierika niuki miyetuiya mikati ka'uxe ya xeikia hipame ranuye timaiyarieni , 'aixia me mitaka yurieni miki memiti 'uitiari Comision de Gobierno del Honorable Congreso del Estado de Nayarit.

TAMAMATA HUTA. Miretá xatiarieni meutini'i. Waikawameki pireta xatiarieni, xika nuikame tá peheu niuni (322)2152500 Ext.198

TAMAMATA HAIKA. Kemireuyuku tseiriya xika pereumaimiki 'iki tsie keneuti wawá.

- Convenio 169 de la Organización Internacional del Trabajo sobre los Pueblos indígenas y Tribales de Países Independientes.
- Declaración de Las Naciones Unidas sobre los Derechos de los Pueblos Indígenas.
- Declaración Americana de los Derechos de los Pueblos Indígenas.
- Constitución Política de los Estado Unidos Mexicanos.
- Constitución Política de los estados Unidos Mexicanos.
- Constitucion Política del estado Libre y Soberano de Nayarit.
- Ley de Derechos y cultura Indígena.
- Ley Electoral del estado de Nayarit.
- Ley Municipal para el estado de Nayarit.
- Niuki ke mitiu xewirixi memita naki'eri 'utiarika xapa ke mitiyu wewieni 'iwaureka me katewaku namirietí mipai metewara hiaweti meteku xaxatiariwati ke miyeyiximeni miyu ti wewieniki, miyu ti hekwariya ki miti niitarieniki meta makayetiarieniki leyes tatsi 'iwiyame , meta ta heitserie tsie timieme tame ta kiekari mikumanetika matiari kiekatari meta tsiere ta iwama tewapaiti memayeixiá.
- Xapa tsutiana'uximayatsika miyu tá maani ya miti yiniki, mana memika niniereni matiari kiekatari teiteri memi kutetika 'etsitaru tsie Nayarit, memite mariekaki, wairiyarika meka pitarieti, mekateku namiyarieti, ké memitewa ku'eiyani wa hapaista ké mitiutaine memitanukuhurieni, 'iki tsie timieme.

¹ Las sedes y fechas fueron establecidas por las autoridades tradiciones, agrarias y civiles de diversos pueblos y comunidades indígenas en el Estado de Nayarit, mismas que se señalan en las fracciones V, VI, VII, VIII, IX, X y XI del aparo de Antecedes del Acuerdo de Trámite que tiene por objeto aprobar la Convocatoria para llevar a cabo el proceso de participación y consulta previa, libre e informada para obtener las opiniones, propuestas y planteamientos de los pueblos y comunidades indígenas y afroamericanas que radican en el Estado de Nayarit, con relación a diferentes iniciativas y sentencia.